

Bosna i Hercegovina
Federacija BiH
Kanton Sarajevo
Skupština Kantona Sarajevo
n/r g. Elmedin Konaković, Predsjedavajući Skupštine
n/r Skupština KS
n/r Vlada Kantona Sarajevo

ZASTUPNIČKO PITANJE

Jedanaesta radna sjednica Skupštine Kantona Sarajevo

Tranzicija i Evropski put BiH nikako ne bi smjeli imati alternativu. Država BiH se otpisivanjem sporazuma o stabilizaciji pridruživanja (koji se mora implementirati još od 01.07. sada već davne 2015), između ostalog, obavezala na ukidanje državnog monopola i liberalizaciju gasnog tržišta. Država BiH trenutno čeka status kandidata za članstvo u EU, čeka otpočinjanje pregovora, otvaranje raznih poglavlja od kojih je prvo pravosuđe.

U EU-u se od 1998. postupno liberalizira tržište prirodnog plina. Tada je donesena Direktiva 98/30/EC s ciljem otvaranja tržišta, da bi se potrošačima (građanima i poduzećima) omogućio slobodan odabir pružatelja usluga opskrbe plinom. Cilj liberalizacije je ukidanje državnih monopola i uvođenje tržišnog formiranja cijena te osiguranje višeg standarda usluge i sigurnosti opskrbe plinom. Zbog liberalizacije opskrbe plinom, povećan je tržišni udio privatnih poduzeća, dok se poduzeća u kojima država ima manjinski udio postupno „istiskuju“ s tržišta.

Sarajevo je glavni grad decentralizovane države, što ne znači da ne može i ne treba, već upravo suprotno: da mora biti centar progressa i lider procesa pridruživanja EU u punom kapacitetu slobode i prava koje Kanton uživa unutar decentralizovane države.

Kanton Sarajevo ima obavezu da povede procese približavanja i usklađivanja sa Evropskom Unijom, pogotovo onda kada niko drugi neće i kada drugi koče te procese. Zato bih pitao Vladu KS i kolege zastupnike: da li bi se u Sarajevu mogli prestati baviti klijentelizmom, populizmom, lažnim patriotizmom i vođenjem partijske države-firme kako bi počeli ubrzano raditi na legislativi, liberalizirati tržište (gasa) i vratiti se na Evropski put.

Sarajevo, 15.07.2019. godine

SAMOSTALNI ZASTUPNIK

Damir Nikšić